

Presentacion di buki na biblioteca **"Tres diferente ruta"**

Cu sumo placer Biblioteca Nacional Aruba ta presenta e buki nobo di Sr. Herman Hennep titula 'Tres diferente ruta' dia 30 di maart benidero.

E autor local, Sr. Herman Hennep a skirbi otro buki. E buki "Tres diferente ruta" ta sigui bida di tres hoben, Jeremy, Roy y Rita kendenan ta cai den adicción di droga. Cada un tin su motibo pa cuminsa usa droga. Nos ta wak con cada un ta scohe diferente ruta con pa anda cu su problema. Nan lo logra pa trece cambio den nan bida?

E autor Herman Hennep a haci varios investigación bao di adictonan y a papia cu diferente profesional di instancianan cu ta specialisa riba tereno di combati y preveni uso di droga.

Programa di e presentacion:

Mayra Lopez ta declama un poesia tocante droga di Sr. Herman Hennep. Ramon Todd Dandere lo duna un introducción y su opinión riba e buki. Sra. Ruth Tromp di FADA hunto cu algun estudiante ta presenta un sketch. E escritor Herman Hennep mes ta hiba algun palabra y lo conta publico presente algo di e proceso di skirbi e buki aki y di su combersacionnan cu personanan adicto.

Robert Thiel y tambe Vi Marten lo deleita publico cu un presentacion musical. Ta clausura e anochi cu un brindis.

Sr. Herman Hennep ta docente, musico, cantante, compositor, escritor y poeta. E ta autor tambe di 'Buscando felicidad', e storia di dos hoben estudiante Diego y Lena, cu ta siña conoce otro y ta pasa den diferente problema y experiencia cu otro.

Fecha	30 maart 2006
Ora	20:00 PM
Lugar	Biblioteca Nacional Aruba
Maestro di ceremonia	Sr. Mirto Lacle